

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 2316836114, 2316890220 որոշումներն անփոփոխ, իսկ վարչական բողոքներն առանց բավարարման թողնելու մասին

<< 20 >> 10 2023թ. 7-13- 10883

ք.Երևան

Ճանապարհային ոստիկանության պետ, ոստիկանության գնդապետ Ն.Սարգսյանս, վերանայելով Մարտուն Մանուկյանի ՄԴ/85736-23 և ՄԴ/85747-23 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Արարատի մարզի Գեղանիստ գյուղի 10 փողոցի 15 տան բնակիչ Մարտուն Մանուկյանը դիմումներով խնդրել է բեկանել Ճանապարհային ոստիկանության վարչական տույժ նշանակելու մասին թիվ 2316836114, 2316890220 որոշումները՝ նշելով, որ դրանցով ամրագրված իրավախախտումները կատարել է Պարեկային ծառայության ծառայողի կարգադրությամբ:

Դիմումների քննարկման արդյունքում պարզվել է, որ վերը նշված որոշումները ենթակա են կատարման՝ հետևյալ պատճառաբանությամբ.

<<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> ՀՀ օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած տեսանյութն է կամ լուսանկարը, որը պարունակում է նաև տեխնիկական միջոցով արձանագրված տվյալները: Ըստ նույն հոդվածի 2-րդ մասի՝ որպես իրավախախտումը հիմնավորող ապացույց վարչական կամ դատական կարգով բողոքարկման վարույթում կարող են օգտագործվել Վարչական իրավախախտումների վերաբերյալ Հայաստանի Հանրապետության օրենսգրքի 251-րդ հոդվածով նախատեսված ապացույցները:

ՀՀ կառավարության <<Հայաստանի Հանրապետության ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը հաստատելու մասին>> 28.06.2007թ. թիվ 955-Ն որոշման 51-րդ կետի համաձայն՝ ոչ ռելսագնաց տրանսպորտային միջոցների համար երթևեկության գոտիների քանակը որոշվում է գծանշմամբ և (կամ) 5.15.1՝ «Երթևեկության ուղղությունները գոտիներով», 5.15.2՝ «Երթևեկության ուղղությունները գոտիով», 5.15.7՝ «Երթևեկության ուղղությունը գոտիներով» և 5.15.8 «Գոտիների քանակը» նշաններով, իսկ եթե դրանք բացակայում են, ապա վարորդների կողմից՝ հաշվի առնելով երթևեկելի մասի լայնությունը, տրանսպորտային միջոցների եզրաչափերը և դրանց միջև անհրաժեշտ միջկողային տարածությունը:

Միաժամանակ, 5.15.1՝ «Երթևեկության ուղղությունները գոտիներով» ճանապարհային նշանը ցույց է տալիս գոտիների թիվը և երթևեկության թույլատրելի ուղղությունները՝ դրանցից յուրաքանչյուրով:

Վարչական իրավախախտումների վերաբերյալ ՀՀ օրենսգրքի 124-րդ հոդվածի 1-ին մասի համաձայն՝ տրանսպորտային միջոցների վարորդների կողմից ճանապարհային նշանների կամ ճանապարհային գծանշումների պահանջները չկատարելը՝ առաջացնում է

տուգանքի նշանակում՝ սահմանված նվազագույն աշխատավարձի հնգապատիկի չափով, իսկ նույն օրենսգրքի 124-րդ հոդվածի 36-րդ մասի համաձայն՝ ճանապարհային նշանների պահանջները չկատարելու համար սույն հոդվածի 1-ին մասով նախատեսված վարչական իրավախախտումն ունի նվազ նշանակություն այն դեպքում, երբ իրավախախտումն անխուսափելիորեն կատարվել է երթևեկության այլ մասնակցի գործողության կամ անգործության պատճառով:

Երևան քաղաքի Իսակովի պողոտա - Աթենք փողոցի խաչմերուկի հատվածում ՀՀ կառավարության 26.10.2006թ. 1699-Ն որոշման պահանջներին համապատասխան և երթևեկության մասնակիցներին տեսանելի վայրում տեղադրված է 5.15.1՝ <<Երթևեկության ուղղությունները գոտիներով>> ճանապարհային նշան, ըստ որի ձախ երրորդ եզրային գոտուց թույլատրվում է երթևեկել միայն դեպի ձախ:

Իրավախախտումների փաստերը հավաստող տեսանյութերի դանդաղեցված և դրվագային ուսումնասիրմամբ պարզվել է, որ դիմումատուն 21.07.2023թ. ժամը 08:57-ին և 02.08.2023թ. ժամը 08:42-ին Երևան քաղաքի Իսակովի պողոտա - Աթենք փողոց խաչմերուկում ձախ երրորդ եզրային գոտուց դեպի աջ երթևեկելով խախտել է առկա 5.15.1՝ <<Երթևեկության ուղղությունները գոտիներով>> ճանապարհային նշանի պահանջը, ինչն անխուսափելիորեն չի կատարվել երթևեկության այլ մասնակցի գործողության կամ անգործության պատճառով:


Ինչ վերաբերում է դիմումատուի կողմից նշված այն հանգամանքին, որ իրավախախտումները կատարել է Պարեկային ծառայության ծառայողի կարգադրությամբ, ապա հարկ է նշել, որ տեսանյութերի ուսումնասիրությամբ պարզ է դառնում, որ, թեև խաչմերուկում կա ծառայություն կատարող պարեկային ծառայող, բայց դիմումատուն պետք է կատարեր առկա ճանապարհային նշանի պահանջը և երթևեկեր նախկինում արդեն նախընտրած ուղղությամբ՝ դեպի ձախ:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 2316836114, 2316890220 որոշումները թողնել անփոփոխ, իսկ վարչական բողոքներն՝ առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կառող է բողոքարկվել ՀՀ Վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Մարտուն Մանուկյանին:

Կատարող՝ Ա.Եղիազարյան
Հեռ. 011-544-783



Ն.Ասրգսյան